

# პარტიული დაპირებები საარჩევნო სისტემების რეფორმებთან დაკავშირებით

წელს საპარლამენტო არჩევნები ისევ შერეული საარჩევნო სისტემის საფუძველზე ჩატარდება. 77 მანდატს ერთიანი პროპორციული საარჩევნო სისტემით მიიღებენ, დარჩენილი 73 მანდატი მაჟორიტარი კანდიდატებისაა. პოლიტიკური პარტიები – მმართველი პარტიაც და ოპოზიციური პარტიებიც თანხმდებიან, რომ საპარლამენტო არჩევნების ჩატარების მოდელთან დაკავშირებით ცვლილებები გარდაუვალია, განიხილებოდა სხვადასხვა მოდელიც. თუმცა, 2016 წლისათვის ცვლილებებზე შეთანხმებას ვერ მიაღწიეს.

რას აპირებენ პარტიები საარჩევნო მოდელთან დაკავშირებით და რა ცვლილებებს გეგმავენ, ეს თემები „სამართლიანმა არჩევნებმა“ შეისწავლა და პარტიების პროგრამები დეტალურად განიხილა. აღმოჩნდა, რომ საარჩევნო მოდელთან დაკავშირებით ყველა ძირითადი პარტია ამბობს, რომ ცვლილებები აუცილებელია, თუმცა, საარჩევნო პროგრამაში მხოლოდ რამდენიმე დეტალურად ყურადღება.

სახელისუფლებო პარტიამ „ქართული ოცნება“ საარჩევნო სისტემასთან დაკავშირებული რეფორმები პროგრამაში ნაწილობრივ ასახა. 2016 წლის საპარლამენტო არჩევნებისთვის წარმოდგენილ პროგრამაში საარჩევნო სისტემის კონკრეტულ მოდელზე გადასვლასთან დაკავშირებით დაპირებები არ გვხვდება. ზოგადად წერია, რომ კონსტიტუციისთან შესაბამისობაში საარჩევნო მოდელი გადაიხედება.

რაც შეეხება „ერთიანი ნაციონალური მოძრაობას“, მათ საარჩევნო სისტემის რეფორმის მოთხოვნით არაერთი ხმამაღალი განცხადება გააკეთეს, თუმცა, წინასაარჩევნო პროგრამაში არ შეიცავს პარტიის ხელდასმულ საარჩევნო სისტემის რეფორმირებასთან დაკავშირებით.

„სამართლიანმა არჩევნებმა“ სხვა პარტიების საარჩევნო პროგრამებიც



შეისწავლა.

დაპირებების შესაბამისად, მხოლოდ რესპუბლიკური პარტიის საარჩევნო პროგრამაში არის ცვლილებების რეალური გეგმა.

პარტიის საარჩევნო პროგრამაში დეტალურად აქვს განხილული როგორც ადგილობრივი, ასევე, საპარლამენტო და საპრეზიდენტო არჩევნების ცვლილებების მათეული ხედვა.

„პარტიის აზრით, საჭიროა, არსებული საპარლამენტო საარჩევნო სისტემის შეცვლა პროპორციული საარჩევნო სისტემით, როდესაც პარ-

ლამენტის 150-ზე მეტი აირჩევა მრავალმანდატიან საარჩევნო ოლქებში. რესპუბლიკური პარტიის აზრით, ასეთი სისტემა მოგვცემს ამომრჩეველთა ნების შესატყვისი შედეგის მიღების, მათ შორის, რეგიონული ინტერესების გათვალისწინების შესაძლებლობას.“ - წერია „სამართლიანი არჩევნების“ ვებგვერდზე. რესპუბლიკელების საარჩევნო პროგრამაში პრიორიტეტად ასახელებს ასევე, ქალთა წარმომადგენლობის უზრუნველყოფას პოლიტიკაში, გადაწყვეტილებების მიღების დროზე.

„თავისუფალი დემოკრატიის“ პროგრამა არ შეიცავს პარტიის დაპირებას საარჩევნო სისტემის სამომავლო გარდაქმნასთან დაკავშირებით.

არც პოლიტიკური გაერთიანება „ეროვნული ფორუმის“ საარჩევნო პროგრამაში არ არის საუბარი საარჩევნო სისტემის ცვლილებებზე.

„პატრიოტთა ალიანსის“ საარჩევნო პროგრამის მიხედვით, პარტია მიიჩნევს, რომ უნდა გაუქმდეს მაჟორიტარული სისტემა. თუმცა, პროგრამაში ამომრჩეველთათვის არ არის შეთავაზებული კონკრეტული საარჩევნო

მოდელი. ასევე, „პატრიოტთა ალიანსის“ პოზიციით, უნდა შეიცვალოს სპეცულბენის შექმნის წესი. მისი შექმნა არ უნდა მოხდეს სამხედრო ნაწილებში.

„დემოკრატიული მოძრაობა - ერთიანი საქართველოს“ წინასაარჩევნო პროგრამაში არ მომთხოვია საარჩევნო თემატიკას.

როგორც ხედავთ, საარჩევნო სისტემის ცვლილება პარტიების საარჩევნო პროგრამებში აქტუალურ საკითხად არ გვხვდება, მიუხედავად იმისა, რომ მათი დიდი ნაწილი ერთ-ერთ მთავარ წინასაარჩევნო გამოწვევად სისტემის ცვლილებას ასახელებდა.



სტატია ქვეყნდება პროექტის „გაცნობიერებული არჩევანი-დემოკრატიის ფუნდამენტი“ ფარგლებში. ავტორის/ავტორების მიერ საინფორმაციო მასალაში გამოთქმული მოსაზრება შესაძლოა არ გამოხატავდეს ფონდ „ლია საზოგადოება-საქართველოს“ პოზიციას. შესაბამისად, ფონდი არ არის პასუხისმგებელი მასალის შინაარსზე.

## პროფესიული განათლების მიღების მსურველთათვის რეგისტრაცია დაიწყო

3 ოქტომბრიდან 16 ოქტომბრის ჩათვლით, სახელმწიფო საგანმანათლებლო დაწესებულებებში, პროფესიული განათლების მიღების მსურველთათვის, 150-ზე მეტ პროფესიულ პროგრამაზე რეგისტრაცია დაიწყო. საქართველოს განათლების მეცნიერების მინისტრი ალექსანდრე ჭყეველა რეგისტრაციის პროცესს გლდანის პროფესიულ კოლეჯში გაეცნო.

წელს პირველად, დაიწყება სამი პროფესიული პროგრამის (მეცხოველეობის, მეხილეობისა და მეღვინეობის მიმართულებით) განხორციელება სამუშაოზე დაფუძნებული (დუალური) სწავლების ფორმით. დამსაქმებლები პირველად ჩაერთვებიან მომავალი სტუდენტების შერჩევისა და სწავლების პროცესში. დუალურ პროგრამებს პარტნიორ დამსაქმებლებთან ერთად, განახორციელებენ ახალციხის, კაჭრეთის, სენაკისა და წინამძღვრიანთკარის კოლეჯები. პროფესიული ტესტირების შედეგების მიხედვით, სახელმწიფო სრულად აფინანსებს პროფესიულ განათლებას სახელმწიფო მიერ ან

მონაწილეობით დაფუძნებულ სასწავლებლებში.

სახელმწიფო აგრძელებს ზრუნვას მოწყველად ჯუფებზეც. გათვალისწინებულია სოციალურად დაუცველი დევნილი პროფესიული სტუდენტების მხარდაჭერა ტრანსპორტირების ან საცხოვრებელი ფართის ქირის ხარჯების ანაზღაურების ფორმით; განახლებულია ტექნიკურ-მატერიალური ბაზები და ადაპტირებულია შეზღუდული შესაძლებლობების მქონე პირთა საჭიროების შესაბამისად. ასევე მნიშვნელოვანია, რომ პროფესიული განათლება ხელმისაწვდომი გახდა არაქართულენოვანი მოსახლეობისათვის: მათ



შეუძლიათ სომხურ, აზერბაიჯანულ და რუსულ ენაზე გაიარონ პროფესიული ტესტირება, შემდეგ კი სახელმწიფო დაფინანსებით დაეფუძნონ ქართულ ენაზე და გააგრძელონ პროფესიული განათლების მიღება ქართულ ენაზე. რეგისტრაცია შესაძლებელია პროფესიულ საგანმანათლებლო დაწესებულებებში, რესურსცენტრებში და საინფორმაციო ცენტრებში, მხოლოდ

პირადობის მოწმობით. აპლიკანტი არჩევანს აკეთებს შეუზღუდავად, პრიორიტეტების მიხედვით;

რეგისტრაცია შეუძლია ყველა მსურველს მათ შორის, შეზღუდული შესაძლებლობის და/ან სპეციალური საგანმანათლებლო საჭიროებების მქონე პირსაც, რომლისთვისაც მოქმედებს ალტერნატიული ჩარიცხვის პროცედურები. სახელმწიფო დაფინანსება შეუძლია მიიღოს მხოლოდ საქართველოს მოქალაქემ და ჰუმანიტარული ლტოლვილის სტატუსის მქონე პირმა, რომელიც გადალახავს პროფესიული ტესტირებისთვის დადგენილ მინიმალური კომპეტენციის ზღვარს.

გამოცდებისა და შეფასების ეროვნული ცენტრის ორგანიზებით, 29 ოქტომბერს რეგისტრაციისთვის პრეტესტი, ხოლო 30 ოქტომბერს ერთიანი პროფესიული ტესტირება ჩატარდება.

ეროვნული სახელმწიფო მოძრაობა



გიორგი გაჩაბია

PS news.ge ISSN 1987-7056 9771987705004



# საქართველოს კარლამენძის 2016 წლის 8 ოქტომბრის არჩევნები

**კენჭისყრა იმართება**  
08:00 საათიდან 20:00 საათამდე

## ამომრჩეველთა საყურადღებოდ!

კენჭისყრის შენობაში შესვლისას ნაკადის მომწესრიგებელ კომისიის წევრს წარუდგინეთ პირადობის მოწმობა ან საქართველოს მოქალაქის პასპორტი (იძულებით გადაადგილებული პირის შემთხვევაში აგრეთვე დევნილის მოწმობა) და გაიარეთ მასთან მარკირების შემოწმების პროცედურა.

**თუ აღმოჩნდა, რომ გაქვთ მარკირება, არ მოგეცემათ  
კენჭისყრაში მონაწილეობის უფლება**


მარკირების შემოწმების პროცედურის გავლის შემდეგ მიდით სარეგისტრაციო მაგიდასთან და რეგისტრატორს წარუდგინეთ პირადობის მოწმობა ან საქართველოს მოქალაქის პასპორტი (იძულებით გადაადგილებული პირის შემთხვევაში აგრეთვე დევნილის მოწმობა) *გაიკეთეთ მარკირება*

**მარკირებაზე უარის თქმის შემთხვევაში არ მოგეცემათ  
კენჭისყრაში მონაწილეობის უფლება**

ამომრჩეველთა სიაში თქვენი გვარის გასწვრივ გააკეთეთ ხელმოწერა; მიიღეთ რეგისტრატორისგან ბეჭდი და ხელმოწერით დამოწმებული საარჩევნო ბიულეტენები; კენჭისყრის კაბინაში შემოხაზეთ თქვენთვის სასურველი ერთი საარჩევნო სუბიექტის რიგითი ნომერი; თუ დამოუკიდებლად არ შეგიძლიათ შეავსოთ საარჩევნო ბიულეტენი, უფლება გაქვთ, კენჭისყრის კაბინაში დასახმარებლად მოიწვიოთ ნებისმიერი პირი, გარდა საარჩევნო კომისიის წევრისა, კანდიდატისა, საარჩევნო სუბიექტის წარმომადგენლისა, პრესისა და მასობრივი ინფორმაციის სხვა საშუალების წარმომადგენლისა და დამკვირვებლისა.

**თუ გაგიფუჭდათ საარჩევნო ბიულეტენი, მიმართეთ  
საარჩევნო კომისიის თავმჯდომარეს, გადაეცით  
გაფუჭებული და მოითხოვეთ ახალი საარჩევნო ბიულეტენი**

კენჭისყრის კაბინიდან გამოსვლის შემდეგ აიღეთ სპეციალური კონვერტი და დაკეცილი საარჩევნო ბიულეტენები მოათავსეთ მასში; სპეციალური კონვერტი მოათავსეთ საარჩევნო ყუთში.



კენჭისყრაში მონაწილეობის შემდეგ, გთხოვთ, დატოვოთ საარჩევნო უბანი

ცხსკოს საბელეფონო/  
საინფორმაციო ცენტრი – 2510051



საარჩევნო სისტემების  
ბანკითარების, ჩაფორმებისა და  
სწავლების ცენტრი

დემოკრატიის სერვისი!

# ერთიანი ნაციონალური მოძრაობა ახალი ენერჯით საქართველოს წინსვლისთვის!



## „ქუთაისი საპარლამენტო დედაქალაქი“ ეს არის ახალი სუნთქვა, ეს არის ძლიერი ქალაქი, ძლიერი რეგიონი, ძლიერი ქვეყანა!



გიორგი თვცვლოვაძე



გიორგი ნარეთელი



აკაკი კობახიძე

# ეპიდემიის მოკრძალებული ხიზლი


პატარა ქალაქი ქუთაისი, მართლაც ყველა ყველას იცნობს. ჰოდა, მით უფრო შესამჩნევია, რომ ქუჩებში აღარ გვხვდებიან ნაცნობი სახეები- მეგობრები, ნათესავები, კლასელები, თანამშრომლები, მეზობლები, უბრალოდ ნაცნობები. მოიკითხავ და საბერძნეთშიაო, იტალიაშიაო, ესპანეთშიაო, თურქეთშიაო...

ირმა მალაფერდისკაც ბევრი იცნობს ქუთაისში, იცნობს და უყვარს ეს კეთილშობილებით გამორჩეული ქალაქი. ირმა წლების მანძილზე გაზეთ „იმერეთის მოამბეში“ მუშაობდა და რედაქციის ყველა სტუმარს პირველი სწორედ ის მასპინძლობდა. ირმას დიდი დამსახურება იყო ის სასიამოვნო გარემო, რაც მაშინ „იმერეთის მოამბეში“ იგრძნობოდა. 10 წლის უკან ისიც ემიგრაციის რთულ და მძიმე გზა-სავალს დაადგა. საბედნიეროდ, მას გაუმართლა, კარგად ადამიანებს შეხვდა. როგორც ცხოვრობს იტალიაში, რას განიცდის და რას ფიქრობს, ამაზე თავად ირმა ვიცობთ: „წლების წინ, როცა ქუთაისში, თეთრ ხილზე, „პიკასოს ბიუსი“ ქანდაკებასთან ჩავივლიდი, ვერც კი ვიფიქრებდი, რომ როდესმე საფრანგეთში, იმ სახლში მოვხვდებოდი, სადაც პიკასო ცხოვრობდა. ვერც იმას წარმოვიდგენდი ვერასდროს, რომ ენახავდი პიკასოს, ვენეციას, ფლორენციას, მილანს, რომს... „იმერეთის მოამბის“ რედაქციაში, სავაჭრო სტატიებზე მუშაობისას, როცა უნებლიეთ მაინც გაგვეპარებოდა დასანანი შეცდომები ქართულ ენაში, ვინმეს რომ ეთქვა, რამდენიმე წელში იტალიურად ისაუბრებო, უკბილო ხუმრობად ჩავთვლიდი. მაგრამ, ცხოვრება მოულოდნელობებით ყოფილა სავსე და 10 წლის წინ, მრავალი ჩემი თანამემამულის მსგავსად, მეც შორეული ქვეყნების გზას დავადექი. იტალია აღმოჩნდა ჩემი თავშესაფარი. რთული და მძიმე ემიგრანტის ცხოვრება უცხო ქვეყანაში, მარტოსულად გრძნობ თავს, გენატრება ყველა და ყველაფერი, რაც სამშობლოში დატოვე. და ასეთ დროს, სასიცოცხლო მნიშვნელობა აქვს, ვის შევხვდებოდი ბედით,

როგორც ადამიანებთან მოვიწყვეს ურთიერთობა. მე გამიმართლა! 10 წლის მანძილზე, თითქმის ყველა იტალიელი, ვისთანაც კი მუშაობა და ურთიერთობა მომიწია, კარგი ადამიანი აღმოჩნდა, რაც მნიშვნელოვნად მიიზღოდა ემიგრანტობის სიმძიმეს. 5 წლის წინ მე დედა გავხდი. მხოლოდ 4, 5 თვე ვზრდიდი ჩემს პატარა კარლიტოს ქუთაისში, შემდეგ იტალიაში დავბრუნდი, მეუღლესთან ერთად. ისევ ბავშვის უკეთესი მომავლის გამო. ყველა დედა მიმიხვდება, რას ნიშნავს ჩვილი ბავშვის დატოვება, გაუსაძლისი მონტრების დაძლევა... 1 წლის წინ სამუშაო ადგილი შევიცვალე და ლეკოს პროვინციაში, ქალაქ ვიკანოში სინიორ სირტორის დიდ სახლში დავიდე ბინა. სინიორ ტინო სირტორი 92 წლისაა, თუმცა წლების სიმრავლე ხელს არ უშლის, ცხოვრებით დატკბეს, იმეორეს უფლებებთან ერთად. მისი ქალიშვილი, როსელა სირტორი და სიძე ფრანკო ბრინი, ლეკოს პროვინციის წარჩინებული და პატივსაცემი ადამიანები არიან. სინიორა როსელა მომხიბვლელი, სათნო და კეთილი იტალიელი ქალბატონია, ხალისიანი და ყურადღებიანი. მას თავისი ბიზნესი აქვს- ფლორის ჯაჭვების დამამზადებელი დიდ ქარხნებს მსოფლიოს რამდენიმე ქალაქში. მისი მეუღლე, სინიორ ფრანკო მთელს პროვინციაში ცნობილი და პატივსაცემი ნოტარიუსია. მათ ოჯახში მოხვედრის პირველივე დღეებიდან მიხვდი, რა დიდებულ ადამიანებთან მომიწია შეხვედრა. ამ ოჯახის ყველა წევრი ცდილობს, ადამიანად მაგრძობინოს თავი და სათანადოდ დააფასოს ის შრომა, რასაც მე მათ

სახლში ვეწევი. გულისხმიერი და კეთილი ადამიანები არიან. როცა ვაივს, რომ პატარა შვილი მყავს საქართველოში დატოვებული, კიდევ უფრო მეტი კეთილგანწყობა გამოიჩინეს ჩემს მიმართ. ამ ზაფხულში სინიორ სირტორი შეიღებმა საფრანგეთში წაიყვანეს სამოგზაუროდ, მეც თან მიასვლეს. არასდროს დამევიწყებდა ეს ერთგვიანი საოცარი მოგზაურობა. იქ ვნახე უძველესი, 981 წელს აშენებული სანტა მარია ეკლესია, რომლისკენაც მიმავალი გზა საოცრად ჰგავდა გელათის მონასტრისკენ მიმავალ გზას. განსაკუთრებით შთაბეჭდილი იყო სოფელი, რომელიც დღემდე ზუსტად ისეა შემონახული, როგორც ის დატოვეს ფაშისტებმა- აოხრებული და დარბეული, მეორე მსოფლიო ომის დროს. ულამაზეს სანაპიროზე, ხმელთაშუა ზღვაში, ვნახე მსოფლიოში უდიდესი და ყველაზე ძვირადღირებული იანტა, სირტორებთან ერთად ფეხით შემოვიარე უძველესი პატარა ფრანგული ქალაქები და სოფლები. ჩემთვის დიდი სიურპრიზი იყო, როცა პიკასოს სახლში აღმოვჩნდი. პიკასოს სახლ-მუზეუმს ანტიბეში ყოველდღიურად ასობით ტურისტი და პიკასოს შემოქმედების თაყვანისმცემელი სტუმრობს. საფრანგეთიდან წარუშლელი შთაბეჭდილებებით სავსე დავბრუნდი. სინიორ სირტორის ახლაც ხშირად ვესაუბრები ამ მოგზაურობაზე. რომ არა ეს დიდებული ოჯახი, პიკასო ჩემთვის ისევ მხოლოდ ქუთაისში, თეთრ ხილზე არსებული „პიკასოს ბიუსი“ ქანდაკებით იქნებოდა ნაცნობი. მინდა, ეს მალე იქნება ემიგრანტი ქართველი ქალისა ვაგრძობინო ამ ოჯახს და სიკეთით გადავუხადო ყველა იმ სიხარულისთვის, რაც მათ მე მომანიჭეს. თუმცა, მაინც მოუთმენლად ველი იმ დღეს, როცა ჩემს მშობლიურ ქუთაისს საბოლოოდ დავუბრუნდები.

ირმა მალაფერდისკაც



# ღვინის მე-3 ეროვნული კონკურსის დაჯილდოება

ქართული ღვინის კვირეულის ფარგლებში, საქართველოს სომელიეთა ასოციაციის ორგანიზებითა და სოფლის მეურნეობის სამინისტროს ღვინის ეროვნული სააგენტოს მხარდაჭერით ქართული ღვინის მე-3 ეროვნული კონკურსის გამარჯვებულთა დაჯილდოების საზეიმო ღონისძიება გაიმართა.

საქართველოს სომელიეთა ასოციაციამ გამარჯვებულ ღვინოთა გამოსავლენად 300-ზე მეტ სტუმარს უმასპინძლა. ნანი ბრეგვაძის, ეკა მამალაძისა და დავით მაზანაშვილის ორკესტრის ცოცხალმა შესრულებამ საზეიმო საღამოს მართლაც განსაკუთრებული ელფერი შესძინა. დაჯილდოების ცერემონია (რეჟისორი: ზაალ ჩიქობავა, სცენარის ავტორი: გურანდა იაშვილი, საღამოს წამყვანი: თიკა ფაცაცია) თბილისის ღვინის სკოლის კურსდამთავრებულებისათვის სერტიფიკატების გადაცემით გაიხსნა. რამდენიმე-საფეხურიან გამოსვლებში, მათ შორის — საერთაშორისო WSET-ში წარმატებული კურსდამთავრებულები საზეიმოდ გაწვევიანდნენ საქართველოს სომელიეთა ასოციაციაში, სომელიების და ასისტენტ-სომელიების სტატუსით. დაჯილდოებაზე, ასევე, ასოციაციის მიერ დაწესებული „ქართული ღვინის ორდენის“ კავალრები გამოვლინდნენ:

ღონისძიებას სოფლის მეურნეობის მინისტრი ლევან დავითაშვილი, ქალაქ თბილისის მუნიციპალიტეტის საკრებულოს თავმჯდომარე გიორგი ალიბეგაშვილი, ღვინის ეროვნული სააგენტოს თავმჯდომარე გიორგი სამანაშვილი, სოფლის მეურნეობის სამეცნიერო-კვლევითი ცენტრის დირექტორი ლევან უგმაჯორიძე, ღვინის მწარმოებელი კომპანიების, მეღვინეობის დარგის ექსპერტები, სომელიები და მედიის წარმომადგენლები ესწრებოდნენ.

დაჯილდოების საზეიმო ცერემონიაზე დამსწრე საზოგადოებას სიტყვით მიმართა სოფლის მეურნეობის მინისტრმა, ლევან დავითაშვილმა და აღნიშნა, რომ წელს ქართული ღვინის კვირეული წარმატებით ჩატარდა და მის ფარგლებში არაერთი მნიშვნელოვანი ღონისძიება გაიმართა.

„სასიამოვნოა, რომ ღვინის კვირეული ქართული ღვინის ეროვნული კონკურსის გამარჯვებულთა საზეიმო ღონისძიებით დასრულდა. მინდა, მაღლობა გადავუხადო სომელიეთა ასოციაციის პრეზიდენტს, რომლის ინიციატივითაც აღნიშნული კონკურსი 3 წლის წინ დაარსდა და ტრადიციად იქცა. სახელმწიფო ყოველთვის იქნება მხარდამჭერი იმ მნიშვნელოვანი წამოწყებების, რომლებიც ხელს შეუწყობს მევენახეობა-

მეღვინეობის დარგის განვითარებას, ქართული ღვინის პოპულარიზაციას და ცნობადობის ამაღლებას. მისასალმებელია, რომ ინტერესი ქართული ღვინისა და ღვინის კულტურის მიმართ დღითიდღე იზრდება“, - აღნიშნა ლევან დავითაშვილმა.

საზეიმო მიღებაზე ქართული ღვინის მე-3 ეროვნული კონკურსის ფარგლებში, 15 ნომინაციაში გამარჯვებულ კომპანიებს სპეციალური დიპლომები სოფლის მეურნეობის მინისტრმა ლევან დავითაშვილმა, ღვინის ეროვნული სააგენტოს თავმჯდომარემ, გიორგი სამანაშვილმა და კონკურსის უფურის წევრებმა გადასცეს.

საქართველოს სომელიეთა ასოციაცია „ქართული ღვინის ეროვნული კონკურსი“ მესამე წელია, ატარებს. კონკურსის მხარდამჭერები არიან: სოფლის მეურნეობის სამინისტროს ღვინის ეროვნული სააგენტო, საქართველოს ტურიზმის ეროვნული ადმინისტრაცია, „აჭარა ჯგუფი“ და „სასტუმრო რუსში“.

კონკურსის უფურის წევრები პროფესიონალი ენოლოგები, სომელიები და ღვინის პროფესიონალები არიან. წლებიდან კონკურსის უფურის წევრები იყვნენ: ირმა ჭანტურია, ნინო მაისურაძე, თამაზ ჭავჭავაძე, თინათინ ჯაჭანიძე, ეკატერინე ბუბრაძე, ლევან მესხუა, ფრანჩესკო კასტელი, მაგდა სურგულაძე, დავით მაჭავარიანი, გიორგი ბარისაშვილი, მარიამ ხომასურაძე, ირაკლი ნანეიშვილი, მარიამკა მიქიაშვილი, გიორგი დარსიმელია, დარეჯან დარაშვილი, ვანო შიუკაშვილი, გიორგი თევზაძე, ბონდო კალანდაძე, ვასილ სიხარულიძე, ზურაბ სტურუა, ჯონ ვუმბერმანი, გიორგი აბრამიშვილი, მურმან ქორიძე, მანანა ახვლედიანი, კლერ უგენბერგერი.

**ქართული ღვინის მე-3 ეროვნული კონკურსის გამარჯვებულები გახდნენ კომპანიები:**

1. საუკეთესო ცქრილა ღვინო - კომპანია „ბადაგონი“ - მაესტრო. 2015წ;
2. საუკეთესო თეთრი მშრალი - კომპანია „კახური ღვინის მარანი“ - მანავი. 2014წ;
3. საუკეთესო წინანდალი - კომპანია „ვაინმენი“ - წინანდალი. 2014წ;
4. საუკეთესო ქვევრის თეთრი ღვინო - კომპანია „ვიტა ვინეა“ - ქისი ქვევრი 2014წ



5. საუკეთესო თეთრი ნახევრად ტკბილი - კომპანია „ვინი ვერია“ - ქისი 2015;
6. საუკეთესო ვარდისფერი ღვინო - კომპანია „თბილღვინი“ - საფერავი როზე 2015;
7. საუკეთესო საფერავი - კომპანია „კახური ტრადიციული მეღვინეობა“ - საფერავი 2014წ;
8. პრემიალური საფერავი - კომპანია „კახეთი კომპანი“ - ყვარელი 2013წ;
9. საუკეთესო მუკუზანი - კორპორაცია ქინძმარაული - მუკუზანი 2013;
10. საუკეთესო წითელი ნახევრადტკბილი - კომპანია „GWS ვისმინო“ - ახაშენი 2014;
11. საუკეთესო უსახელაური - კომპანია „უსახელაურის ვენახები“ - უსახელაური 2015;
12. საუკეთესო ქინძმარაული - კომპანია „თელიანი ველი“ - ქინძმარაული 2014;
13. საუკეთესო ქვევრის წითელი მშრალი ღვინო - კომპანია „კორტავების მარანი“ - საფერავი 2015წ
14. საუკეთესო ხვანჭკარა - კომპანია „თელავის ღვინის მარანი“ - ხვანჭკარა 2015წ
15. საუკეთესო ჭაჭა - კომპანია „რირაგო“ - ჭაჭა 2015წ.

სომელიეთა ასოციაციის ღვინის ეროვნული კონკურსის მნიშვნელოვანია იმიტაც, რომ პროფესიული უფურის პარალელურად ყოველ წელს



მუშაობს ასევე „სახალხო უფური“, რომლის შემდგენლობაში არიან საზოგადოებისათვის ცნობილი სახეები, ხელოვნებისა თუ მედიის წარმომადგენლები. წელს მედიაციურის რჩეული ღვინოები გამოვლინდა, რომლებიც ასევე დიპლომებით დაჯილდოვდნენ.

**აი, ისინიც, ვინც მედიარჩეული ღვინოების ტიტულების მფლობელები გახდნენ:**

1. კომპანია „მუმი“ - კახური მწვანე 2014წ;
2. „შაქარაშვილის მარანი“ - ქისი ქვევრი 2013წ;
3. „პეტრიანთ მარანი“ - რქაწითელი ქვევრი 2015წ;
4. „ხობის ცრემლები“ - მწვანე 2015წ;
5. „ვისმინო GWS“ - გრანდ საფერავი 2013წ;
6. „სესიაშვილის მარანი“ - „გავაზი“ წითელი ქვევრი. 2005წ;
7. „ვაზისუბნის მამული“ - საფერავი;
8. „მარანული“ - ხვანჭკარა 2015წ;
9. „მილდიანი“ - ქინძმარაული 2014წ;
10. „შალოშვილის მარანი“ - ქინძმარაული 2014წ;
11. კომპანია „ზეარის“ - ჭაჭა.

ღვინის ეროვნული კონკურსზე დაწესებულია ასევე „ღვინის ორდენი“, რომელიც ყოველწლიურად სამ ადამიანს გადაეცემა ხოლო, რომელთაც განსაკუთრებული წვლილი შეიტანეს მევენახეობა-მეღვინეობის განვითარებასა და პოპულარიზაციაში.

წელს „ქართული ღვინის ორდენი“ გადაეცათ:

- დავით ლორთქიფანიძეს (საქარ-

თველოს ეროვნული მუზეუმის დირექტორი) - საქართველოს ვაზისა და ღვინის სამშობლოდ აღიარების მეცნიერულ დასაბუთებაში არქეოლოგიური აღმოჩენებით შეტანილი განსაკუთრებული წვლილისათვის.

• გიორგი ბარისაშვილს (მეღვინე, მწერალი) - ქართული ტრადიციული მეღვინეობის ისტორიის კვლევის სწავლებისა და პოპულარიზაციისთვის;

• გიორგი ნათენაძეს (ვაზის მესხური ჯიშების მკვლევარი, კომპანია ვარძიის ტერასების დირექტორი) - ვაზის მესხური ტერასებს აღდგენის ინიციატივისა და მის განხორციელებაში შეტანილი განსაკუთრებული წვლილისთვის.

ღვინის ორდენის კავალრები მედლებითა და დიპლომებით დაჯილდოვდნენ: სოფლის მეურნეობის მინისტრმა, ლევან დავითაშვილმა, სომელიეთა ასოციაციის პრეზიდენტმა, შალვა ხეტურაიანმა და ცნობილმა მეღვინემ და სპირტიანი სასმელების სპეციალისტმა, ბონდო კალანდაძემ.

ღონისძიების ფარგლებში, სერტიფიკატები გადაეცათ თბილისის ღვინის სკოლის კურსდამთავრებულებს, მათ შორის წარმატებულები კი - საქართველოს სომელიეთა ასოციაციაში სომელიებისა და ასისტენტ-სომელიების სტატუსით გაწვევიანდნენ.

დაჯილდოების ცერემონიაზე განსაკუთრებული ამაღლებული და საზეიმო განწყობა სპეციალურმა სტუმრებმა - ნანი ბრეგვაძემ და ეკა მამალაძემ შექმნეს.

ღვინის ეროვნული სააგენტო  
<http://georgianwine.gov.ge/geo/new/12954>



მთავარი რედაქტორი: ნატო გუბელაძე  
დიზაინი: ირმა ბახუტაშვილი

გაზეთი ხელმძღვანელობს თავისუფალი პრესის პრინციპებით. არ გამოხატავს არცერთი პოლიტიკური პარტიის ინტერესებს. ავტორთა მოსაზრება შეიძლება, არ ემთხვეოდეს რედაქციისას. — ნიშნით აღნიშნულია სტატია, რომელიც განთავსებულია სარეკლამო ფართზე

გამომცემელი — შპს „P.S.“ („პოსტსკრიპტუმი“). ქუთაისის სასამართლოს რეგისტრაცია №5/პ-1401 გაზეთ „P.S.“-ის კლასიფიკაციის კოდი: UDC (უაქ) 3+32] (479.22) (054) პ - 658 P - 86

მისამართი: ქუთაისი, რუსთაველის გამზირი №37. პრესის სახლი. • (032) 2 422 470, (0 431) 24-45-46. • psnews27@gmail.com • www.psnews.ge